



DEO OPTIMO MAXIMO  
UNI ET TRINO,  
VIRGINI DEI-PARÆ, ET S. LUCÆ,  
Orthodoxorum Medicorum Patrono.



QUÆSTIO MEDICA,\*  
CARDINALITIIS DISPUTATIONIBUS,  
*manè discutienda in Scholis Medicorum, die Jovis nonâ mensis  
Martii, anno Domini M. DCC. LXXV.*

M. NATALI-MARIA DE GEVIGLAND,  
Doctore Medico Regiarum in Germaniâ Ducum & Militum Nosocomiorum  
nuper Medico, vices gerente M. LUDOVICI-GUILLELMI LE MONNIER,  
Consiliarii Medici Regis ordinarii Primarii, Regiarum Parisiensis, Londi-  
nensis ac Berolinensis Academiarum Socii & in Horto Regio Botanices Pro-  
fessoris ac Demonstratoris, Doctoris Medici, Præsidis.

*An redeunte vere cito redeat convalescenti sanitas?*

I.



RÆCIPITI cursu labuntur tempora; rapido solis motu metien-  
tur & dies & horæ: hujus exacto celeriter orbe revolvitur annus.  
Sed hic dum fugam properat, unus non est illius tenor. Sol etenim  
à quo dimanant vitæ flumina, easdem terræ regiones benigno non  
semper recreat aspectu: hinc pro variis anni temporibus variæ ap-  
parent universi facies tempestatum nomine designatæ. Ast harum cœli muta-

¶ Propugnata anno 1729.

tionum inpatiens non est viventium genus, diversas quoque subit vicissitudines; diversis afficitur modis. Æstas fervida cuncta corripit, aret ager, sitientes moriuntur herbæ. Tum in scœnam prodit autumnus insalubris, qui humiditate & inconstantia ferox, quas ingenti cum apparatu è gremio deprompserat & ostentaverat opes natura, abripit & dilacerat: mox aspera regnat hyems; rigent arva, penetrabile frigus adurit plantas, nullæ aut herbæ campis apparent, aut frondes arboribus; latet informis humus aggeribus niveis & alto gelu sepulta. Tandem solvitur acris hyems gratâ vice veris & favoni, nec prata canis albicant pruinis. Jam redeunt grata veris tempora. Sol tepenti lumine rigentes refocillat terras, convalescit natura, exhilaratur, repuerascit.

## I I.

VERE novo qui modò lugebat, nunc ridet universus orbis: quæ gelu indurata squallebant terre, nunc lætis distinguuntur coloribus. Non alios primâ crescentis origine mundi illuxisse dies, aliumque habuisse tenorem credideris. . . . . mundi natalia festivis diebus naturam celebrare diceres. Luxuriat omne vegetabilium genus. Exultant omnes animalium familiæ. vere alma venus colitur, venerem genus omne volantum lentit. . . . . vere tument terræ, genitalia semina poscunt. Tum pater omnipotens fecundis imbribus, æther, conjugis in gremium latæ descendit & omnes, magnus alit magno commixtus corpore fruges. Avia tum resonant avibus virgulta canoris. Parturit almus ager zephyrique tepentibus auris laxant arva sinus. . . . . in que novos soles audient se gramina turd credere, nec metuunt surgentes pampinus austros, sed trudit gemmas, sed frondes explicat omnes. . . . . & lentæ texunt umbraculâ vites. . . . . vere novo lætis pubescunt floribus arva. . . . . floret odoratis terra benigna rosis. . . . . tunc omnis ager, tunc omnis parturit arbos. Tunc frondent silvæ, tunc formosissimus annus.

## I I I.

NON minori cum imperio in hominum corpora dominantur tempestatum Nives: suos quoque patiuntur affectus. Delicatiorem illorum fabricam inclementis cœli viribus resistere parem ne credas. Æstate igneus calor urit præcordia & artus depascitur, fibrarum remittitur tonus, perit sua fluidis consistentia, subtilis nimium rariorque sanguis veritos & devios lymphæ canales errando subit & longius progredi impotens stagnat, corrumpitur; sic grassatur inflammatio, gangrana, sphacelus. Nimio æstu evolvuntur humorum principia, acredinem concipiunt, vasa corrodunt & irritant; hinc febrium putridarum terris incubat cohors. Humidâ autumnî temperie madefactæ resolvuntur fibræ, humore jam satis imbutus aer humidus corporis halitus agrè & invitus excipit. Hinc præpeditâ perspiratione effæctisque fibrarum viribus vitalis languet motus, tabis, hydropsis, melancholiæ infelix prodromus. Exhalanda materies modò hærens in vasis diro partes excruciat rheumatismo: modò quâ data porta ruens vergit ad intestina dysenteriam, diarrhæas excitatura. Adest hyems! frigore rigescunt fibræ, condensantur humores, præcluduntur cutis spiracula. Quid inde? furit tempestas periculorum plenissima; serosa aggeritur colluvies, quæ intra vasa coercita furit. Coryzâ & gravedine nares,

fauces rauce dñe corripit, bronchiorum glandulas infarciendo pulmones tussi fatigat, ipsius halitibus præcludendo vias aut dolosam invehit peripneumoniā notham, aut pulmonarem phthisim clām serpentem suscitāt, articulos torquet doloribus. Jam verò quis te tantis agitarum procellis excipiet porius? Certam ex veris reditu salutem expecta, nec spem convalescentis decipiet dum cognita erga omnem naturam veris benignitas & clementia.

## I V.

**E**R GONE dum redeunte vere omnis reviviscit natura, solus homo frigesceret? ed-ne devenerit gentis humanæ calamitas, ut dum aliarum tempestatum injuriis, gravissimis mulctatur affectibus, illius tempestatis quæ omnium benignissima est, non recreetur adventu? Levia quæ convalescentem stipant symptomata, renascentis veris facile parebunt imperio capescuntque fugam. Convalescentem exercent fastidiosæ morborum proles languor & tædium: vires votis impares ipsū sæpè defraudant, ambulaturus procedit? Subripiunt se se corpori pedes: thalamo decumbentem somnus diu fugit; esflagitatos respuit cibos: expostulata amicorum colloquia imbelles fatigant aures: sed in tenui res est. Macle animo, & cuncta veri perficienda committe. Vere quem inspiras aer, non nimio infestus humore, sed benigno rore madens rigentes emollit fibras; concretos eliquat humores; frigore nec pulmonis nec cutis spiracula constringuntur: avolantes non reprimuntur particulæ nec nimio calore retinendæ diffipantur. At tepido veris calore humores fluxiles evadunt, non nimium rarefacti: flexiles redduntur fibræ, non resolvuntur. Referantur incernicula; viget secretionum opus, inutiles noxiæque partes foras amandantur; jam defæciat sanguis spiritus animales non ut antè vappidos & effatos parcè subministrat, sed vividos, sed generosos qui affatim & copiosè in omnes corporis partes influentes ipsas vitali motu perfundunt, & exoptatæ sanitatis reddunt participes.

## V.

**N**EC satis. Id omne aut dulce aut utile quod in omnem naturam benigna refundunt veris tempora, in hominis convalescentis emolumentum cedit. innubila cœli facies puroque ridens lumine, pulsus aquilonibus lenè spirantes zephiri convalescentes exhilarant sensus, animumque blande afficiunt. Campi herbis & floribus latè gratum odorem spargentibus variegati balsamicis halitibus salubriorem efficiunt aëris uluram. Convalescentem piget de die inertem domi stare: audent potenti se committere aëri; crastinā die citius exiturus testa subit quasi invitus; mox omnia delibatus exercitii commoda, esurit: aridet palato cibus: juniores herbæ non grave stomacho faciunt negotium: animalia delicatioribus suavioribusque alimentis pasta delicatiorē & suaviorem suppeditant succum. Tum lecto componitur: ultrò somnus advolat, & alia quiete profundit artus. Sic suæ ipsi citò restituntur vires. At morbi tenaciores reliquæ hærent corpori? Ipsas quoque ver excutiet: si totum tabe affectum fuerit corpus aut pars aliqua graviore labe tentata, vaccæ, capræ, asinæ ubera pharmacopolarum pixidibus potiora vere porrigunt: si crassior lentescensque sanguis aliqua infarserit viscera, aquæ ab ipsâ naturâ medicatæ, quibusvisi redne

4

vere redit energia, votis cumulum addent. Sed ne nos veri nimium blandiri  
putes; sui sunt & veri morbi, sed ni speciali miasmate inficiatur aër, plerique  
salubres habendi; sæpè etenim sunt naturæ conamina quæ nedum lædant natu-  
ram, ipsam expediunt.

*Ergò redeunte vere citò redit convalescenti sanitas.*

Proponēbat Parisiis MARIA-ZOROBABEL MUNIER, Parisinus, Regis in  
Coloniis Orientalibus nuper Medicus, domus Regiæ Invalidorum Ducum  
ac Militum Medicus à Rege designatus, nec-non S<sup>cl</sup>luberrimæ Facultatis  
Medicinæ Parisiensis Baccalaureus. A. R. S. H. 1775.  
à sextâ ad mèridiem.